

Broj: 01-02-1571/24
Sarajevo, 29.07.2024. godine

Z A P I S N I K

13. REDOVNE SJEDNICE PREDSTAVNIČKOG DOMA PARLAMENTA FEDERACIJE BIH, održane 24.07.2024. godine

Sjednica je počela u 11.14.

Sjednicom je predsjedavao predsjedavajući Dragan Mioković.

Intonirana je himna Bosne i Hercegovine.

Predsjedavajući Mioković pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Sa sjednice izostanak su opravdali: Jasmina Bišćević-Tokić, Ilda Alibegović, Begajeta Čaušević, Adisa Kokić-Hinović i Maja Uremović.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Zapisnici 11. redovne sjednice i 12. redovne sjednice usvojeni su bez primjedbi.

Zastupnička pitanja

Mahir Mešalić pitanje je uputio rukovodstvu Predstavničkog doma Parlamenta FBiH i sekretarijatu, a vezano za zajedničku radnu grupu Komisije za izbor i imenovanje, a u vezi raspisanog konkursa za Upravni odbor JRT servisa Federalne televizije i izmjene četiri člana Upravnog odbora, protivno Zakonu. Upozorava Radnu grupu da povuče sporni konkurs, a da Parlament ako želi na ovakav način izmjene članova Upravnog odbora, da promijeni Zakon kako bi sve bilo u skladu s tim. Kazao je da je Zajednička komisija prekršila Poslovnik i nije se konsultovala sa Komisijom za izbor i imenovanja, te će zbog navedenih nepravilnosti podnijeti krivične prijave.

Damir Mašić, ispred Kluba zastupnika SDP BiH pokrenuo je inicijativu, kojom se zadužuje Federalno ministarstvo obrazovanja i nauke, Federalno ministarstvo kulture i sporta i Vlada FBiH da pripreme i hitno u proceduru upute lex specialis zakon, kojim bi se osiguralo sufinansiranje rada, nesmetano funkcionisanje i obavljanje djelatnosti sedam institucija od naučnog i kulturnog značaja za BiH.

Salko Zildžić pitanja je uputio, a vezano je za JP Elektroprivredu BiH, koliko su povećali cijenu električne energije i koja od novih tarifa važi za koje vremenske periode i u kojem od modela snabdijevanja, da li univerzalno ili tržišno? Da li će Uprava društva zatražiti pomoć Elemdina Konakovića i Anera Žuljevića, koji su svojim amandmanima na Zakon o električnoj energiji osigurali povlašten tretman cca 650 korisnika na tržišnom modelu snabdijevanja i time samo u 2022. godini onemogućili dobit JP Elektroprivreda BiH od 200 miliona eura, a danas šute dok se podižu cijene električne energije za cca 500 hiljada građana Federacije BiH? Da li će ubijediti korisnika kojim su omogućili eksta profit da sljedeće godine nastave kupovinu električne energije od JP Elektroprivreda BiH.

Alma Kratina kratko je kometirala odgovor na pitanje koje je postavila Federalnom ministarstvu unutrašnjih poslova, te pita ministra da li se formirala radna grupa i kada ćemo imati sistem amber aler uzbunjivanja i traženja u slučaju nestanka djece.

Vezano za Federalno ministarstvo zdravstva - zašto se od 2019. godine nije revidirala Esencijalna lista lijekova Federalnog fonda solidarnosti, ko zanavlja tu listu i zašto od 2019. godine to nije urađeno. Kada će ovo Ministarstvo konačno dostaviti Zakon o rijetkim bolestima?

Ministar Isak dao je odgovor na postavljeno pitanje.

Mirsad Čamdžić postavio je pitanja Federalnom ministarstvu zdravstva i Zavodu zdravstvenog osiguranja – zašto nije ažurirana lista lijekova u Federaciji BiH, u skladu sa

potrebama pacijenata i novim efikasnijim lijekovima dostupnim na tržištu, da li je tačno da postoji kategorizacija pacijenata za izdavanje određenih grupa lijekova, zašto najefikasniji lijekovi nisu jednako dostupni svim pacijentima u Federaciji BiH kojima su potrebni; koliko je povećanje onkoloških pacijenata u Federaciji BiH u periodu od 2018. do 2023. godine?

Amir Purić pitanje je uputio Federalnom ministarstvu zdravstva i Centru za transplantacijsku medicinu – Koliko je u prošloj godini obavljeno transplantacija u Federaciji BiH i koliko osoba je na listama čekanja za transplantacije organa? Kazao je da je uputio inicijativu za održavanje tematske sjednice Odbora za zdravstvo na temu stanja, problema i potreba u oblasti transplantacijske medicine i donorstvo organa u Federaciji BiH.

Sanel Kajan ponavlja zastupničko pitanje Upravnom inspektoratu Federalnog ministarstva pravde i traži provođenje temeljne kontrole zapošljavanja predsjednice mladeži HDZ BiH Mostar Doris Čuljak, na radno mjesto državnog službenika u Federalnom ministarstvu prometa i komunikacija. Pita, da li je došlo do narušavanja principa državne službe i postupanja državnih službenika u suprotnosti sa obavezama državnih službenika propisanim Zakonom o državnoj službi u FBiH i je li došlo do protuzakonitog postupanja u ovom slučaju.

Damir Nikšić pokrenuo je inicijativu prema Federalnom ministarstvu zdravstva za hitnu izradu Nacrta Zakona o izmjenama i dopunama Zakona o lijekovima Federacije BiH, te dao obrazloženje.

Mirjana Marinković-Lepić postavila je pitanje vezano za zdravstvo – ko je odgovoran za nepoštivanje Zakona o lijekovima Federacije BiH i Zakona o lijekovima i medicinskim sredstvima BiH, u dijelu gdje se predviđa obaveza osiguranja esencijalnih lijekova, odnosno gdje su proizvođači i prometnici lijekova dužni imati na raspolaganju količine esencijalnih lijekova potrebnih za redovnu jednomjesečnu potrošnju. Da li za nepoštivanje ovih zakona odgovornost snosi Zavod, Ministarstvo ili trgovci lijekovima, da li postoji pogodovanje u prometu lijekovima na području Federacije BiH i da li postoji adekvatna kontrola i evaluacija u prometu lijekova na području Federacije BiH?

Također, urgira da joj se pisanim putem odgovori na ranije postavljeno pitanje, vezano za reviziju kalendara vakcinacije, da se elektivno uvrste u kalendar dobrovoljna HPV vakcina, pneumokokna vakcina i meningokokna vakcina u Program vakcinacije FBiH.

Slaven Raguž pitanje je postavio ministru Dizdaru, a vezano za kriterije definisane Zakonom o budžetima i Zakonom o izvršenju Budžeta, gdje je utvrđena konačna rang lista korisnika pomoći za rekonstrukciju i izgradnju stambenih objekata u funkciji povratka i sanaciju stambenih objekata 2024.-2025. godina, koja se razlikuju od one utvrđene 2022. godine, te konkretizirao slučaj porodice Vlado Medan iz Mostara.

Marko Cvitanović pitanja je postavio vezana za Fond solidarnosti - kako se donose odluke o raspodjeli sredstava Fonda solidarnosti, zašto neki pacijenti ostaju uskraćeni za sredstva iz Fonda solidarnosti, da li postoje procjene o stvarnim potrebama Fonda i koliko novca je potrebno da bi se pokrili troškovi za sve oboljele, da li je moguće osigurati kupovinu novih uređaja za magnetnu rezonancu u zdravstvenim ustanovama koje imaju liste čekanja duže od mjesec dana.

Pitanje je uputio Federalnom ministarstvu zdravstva, kojim traži da se uključe u rješavanje kadrovskog pitanja u KCUS.

Mario Karamatić pitanje je uputio ministru Škobiću, a vezano za Strategiju poljoprivrede koja je na dnevnom redu Doma naroda, te se osvrnuo na proceduralnost ovog pitanja.

Bisenija Mušedinović pitanje je uputila Vladi FBiH, resornom ministarstvu i Željeznicama Federacije BiH – koje su aktivnosti provedene u vezi sa revitalizacijom, poboljšanjem i unaprijeđenjem transportne i komunikacijske infrastrukture te modernizacijom i stavljanjem u promet Unske pruge. Također, podsjetila je na pitanja koja je postavila a nije dobila odgovor.

Ajla Milišić-Pepić pokrenula je inicijativu prema Elektroprivredi BiH, Vladi FBiH za izradu strategije rekonstruisanja rudnika uglja u Federaciji BiH, s ciljem postizanja održivog i efikasnog elektroenergetskog sektora. Traži da pripreme sveobuhvatan plan restrukturiranja

kako bi se unaprijedila produktivnost, smanjili gubici i osigurao održivi razvoj rudarske industrije.

Također ponovo pita, šta se dešava sa prednacrtom zakona o logorašima.

Kenela Zuko ponovo pokreće inicijativu, da se na osnovu Zakona o kontroli cijena i ograničenoj upotrebu duhana i duhanskih proizvoda, Vlada FBiH imenuje federalnu komisiju za kontrolu upotrebe duhana i duhanskih proizvoda na području Federacije BiH.

Haris Šabanović pokrenuo je inicijativu prema Federalnom ministarstvu pravde i Vladi FBiH da pokrenu u roku od 60 dana sveobuhvatne izmjene Krivičnog zakona Federacije BiH.

Narednom inicijativom traži da Federalni zavod za zapošljavanje u svojim programima vezanim za pripravnike promjeni diskriminatorne odredbe vezane za boravak na evidenciji Službe za zapošljavanje.

Pitanje je postavio Autocestama Federacije BiH – da li je tačna informacija da će se most u Počitelju zvati Hercegovina i ako je tačno ko je donio tu odluku.

Adnan Efendić pitanje je uputio ministru Nediću – da li je tačno da je BH Gas podnio zahtjev za dobijanje urbanističke saglasnosti i da je isti zahtjev odbijen iz razloga što nisu stečeni uvjeti odnosno nema izrađene proizvodne planske dokumentacije u tri kantona? Koja je uloga Ministarstva, da li je priprema i izrada proizvodno planske dokumentacije i stvaranje preduslova za infrastrukturne koridore, izgradnja Koridora od značaja za građanje Federacije, ili je uloga Ministarstva opstruiranje svih projekata na način da ne radite ono što vam je nadležnost definisana Zakonom o ministarstvima. Jesu li građani Federacije taoci takve politike i da li je ovaj Projekat zbog takve politike doveden u pitanje. Do kada ćemo čekati da se planski dokument za koji je Federacija dala preko šest miliona konvertibilnih maraka ponovo nađe u parlamentarnoj proceduri.

Ministar je dao odgovor.

Mirza Čelik postavio je pitanja vezana za kreditna zaduženja Federacije BiH, traži detaljne informacije o trenutnom stanju kreditnog zaduženja Federacije BiH, koji su tačni iznosi zaduženja i prema kojim institucijama; Koji su uslovi tih kredita, koje su kamatne stope, rokovi otplate i eventualno grejsperiod; Postoje li planovi za novo zaduženje u tekućoj ili narednoj fiskalnoj godini, te ako postoje, koji su razlozi i koji iznos; Kako će novo zaduženje utjecati na ukupan dug Federacije i na sposobnost servisiranja postojećih obaveza; Da li se predviđa budžetski deficit u tekućoj fiskalnoj godini, te koji su razlozi za deficit i predviđeni iznos deficita.

Koje mjere Vlada FBiH planira poduzeti kako bi smanjili budžetski deficit; planiraju li smanjenje troškova, povećanje prihoda ili neke druge fiskalne mjere; Kako će trenutna zaduženja i potencijalni budžetski deficit utjecati na pružanje javnih usluga, da li se očekuju rezovi u javnim uslugama ili povećanja poreza ili drugih javnih prihoda kako bi se pokrili troškovi zaduženja.

Pokrenuo je inicijativu vezanu za Zakon o doživotnoj naknadi za uspješne sportiste u Federaciji BiH i poziva kolegice i kolege da budu supotpisnici ovog projekta.

Postavio je pitanje – može li Vlada FBiH sufinansirati ugradnju klima uređaja u policijskoj upravi Hadžići i Ilidža. Koje dodatne mjere se planiraju poduzeti kako bi se poboljšali radni uvjeti u policijskim upravama širom Federacije BiH, postoje li dugoročni planovi za sistemsko rješavanje sličnih potreba u drugim policijskim upravama.

Marijana Hrvic-Šikuljak pokrenula je inicijativu u okviru Platforme Glas djece bez roditeljskog staranja i grupe zastupnika, te kao potpredsjednica Komsije za pitanja mladih ispred grupe zastupnika iznijela je tri inicijative; Inicijativa za finalizaciju Strategije prema mladima Federacije BiH, inicijativa za uspostavljanje strategije za mlade u skladu sa Zakonom o mladima i uspostavljanje inspekcija za dječiju zaštitu u Federaciji BiH, te dala obrazloženje.

Kazala je da joj Federalno ministarstvo pravde nije odgovorilo na Inicijativu za izmjene i dopune Zakona o krivičnom postupku FBiH.

Ministar Škobić dao je odgovor.

Almedin Aliefendić prvo pitanje vezano je za revidiranje liste lijekova Fonda solidarnosti.

Naredno pitanje uputio je Željeznicama Federacije BiH, u vezi sa rekonstrukcijom kružnog prijelaza na regionalnoj cesti Kakanj Visoko u naselju Čatići. Traži informaciju o planovima Željeznica Federacije BiH koji konkretni koraci će biti poduzeti, kako bi se riješili ovi problemi.

Amra Kaljić-Junuzović pitanje je uputila Federalnom ministarstvu finansija, kojim traži da joj se dostave podaci o iznosu kredita kojeg je Federacija BiH dogovorila prema uslovima varijabilne kamatne stope. Koliko su se uslovi pogoršali od 2022. godine i koliko Federacija izdvaja godišnje po osnovu kamata zbog ovih nepovoljnih uslova.

Sandi Salkić pokrenuo je inicijativu, kao predsjednik Odbora za poljoprivredu, vodoprivredu i šumarstvo, prema rukovodstvu Doma za sazivanje vanredne sjednice, kako bi se usvojila Strategija vezana za poljoprivredu.

Pitanje je uputio Federalnom ministarstvu kulture i sporta – šta je sa Nacrtom Zakona o sportu kojeg je zastupnik Salkić uputio u proceduru.

Dennis Gratz pitanje je uputio Vladi FBiH i Federalnom ministarstvu kulture i sporta, da li postoji plan finansijske podrške društvima La Benevolencija, Napredak, Prosvjeta i Preporod.

Prešlo se na utvrđivanje dnevnog reda.

U raspravi o izmjenama i dopunama dnevnog reda učestvovali su: Alma Karina, Almedin Aliefendić i Mirsad Zaimović.

Prijedlog zastupnice Alme Kratina, da se u dnevni red uvrsti tačka-Inicijativa za donošenje izmjena i dopuna Zakona o pripadnosti javnih prihoda i Federacije BiH, na osnovu pojedinačnog izjašnjavanja nije usvojen (38 glasova za, 11 glasova protiv i 35 uzdržanih).

Na osnovu pojedinačnog izjašnjavanja, sa 55 glasova za, sedam glasova protiv i 23 uzdržana glasa, usvojen je sljedeći:

D N E V N I R E D

1. Prijedlog Zakona o izmjeni Zakona o pravima demobilisanih branilaca i članova njihovih porodica-skraćeni postupak,
2. Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica – skraćeni postupak,
3. Prijedlog Zakona o izmjenama Zakona o pravima branilaca i članova njihovih porodica – skraćeni postupak,
4. Prijedlog Zakona o jedinstvenim načelima i okviru materijalne podrške osobama sa invaliditetom u Federaciji BiH,
5. Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH,
6. Prijedlog Zakona o zaštiti zraka,
7. Prijedlog Programa rada Predstavničkog doma Parlamenta Federacije BiH za 2024. godinu,
8. Strategija razvoja sistema socijalne i dječije zaštite u Federaciji BiH (2024.-2030. godina)
9. Prijedlog Odluke o postupku izbora i imenovanja sudije/suca Ustavnog suda BiH koje bira i imenuje Predstavnički dom Parlamenta Federacija BiH (predlagači: klubovi zastupnika NS, SDP BiH, Povjerenje (NiP-Pomak), HDZ BiH – HNS i HDZ 1990-HNP) – skraćeni postupak,
10. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju Projekta Vjetroelektrana Vlačić,
11. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever - Mostar Jug
12. a) Kvartalni izvještaj o dugu Q2/2023
b) Kvartalni izvještaj o dugu Q3/2023

- c) Kvartalni izvještaj o dugu Q4/2023
13. Godišnji plan zaduživanja za 2024. godinu,
14. Izbori i imenovanja.

1. Prijedlog Zakona o izmjeni Zakona o pravima demobilisanih branilaca i članova njihovh porodica- skraćeni postupak,

Prijedlog Zakona dostavila je Vlada FBiH.
Prijedlog Zakona razmatrala su nadležna radna tijela i dostavila izvještaje.
Resorni ministar dao je dodatno obrazloženje.
Ispred Odbora za boračka i invalidska pitanja, obrazlagala je Amra Kaljić-Junuzović.
Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 68 glasa za, jednim glasom protiv i jednim uzdržanim glasom usvojeno.
U raspravi niko nije učestvovao.

2. Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica – skraćeni postupak,

Prijedlog Zakona dostavila je Vlada FBiH.
Prijedlog Zakona razmatrala su nadležna radna tijela i dostavila izvještaje.
Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 69 glasova za, bez glasova protiv i bez uzdržanih glasova usvojeno.
U raspravi niko nije učestvovao.

3. Prijedlog Zakona o izmjenama Zakona o pravima branilaca i članova njihovih porodica – skraćeni postupak,

Prijedlog Zakona dostavila je Vlada FBiH.
Prijedlog Zakona razmatrala su nadležna radna tijela i dostavila izvještaje.
Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 71 glasom za, bez glasova protiv i jednim uzdržanim glasom usvojeno.
U raspravi niko nije učestvovao.

4. Prijedlog Zakona o jedinstvenim načelima i okviru materijalne podrške osobama sa invaliditetom u Federaciji BiH,

Prijedlog Zakona dostavila je Vlada FBiH.
Prijedlog Zakona razmatrala su nadležna radna tijela i dostavila izvještaje.
Na prijedlog Zakona dva amandmana podnio je Slaven Raguž. Vlada FBiH prihvatila je amandman I, - U članu 11. stav (1) nadopuniti na način da se iza tačke nj) dodaju nove tačke koje glase „ o) radni asistent, p) asistivna tehnologija, r) razumna prilagodba. U članu 11. stav (3) nadopuniti na način da se iza tačke nj) dodaju nove tačke koje glase: o) radni asistent, p) asistivna tehnologija, r) razumna prilagodba, a amandman Vlada FBiH II nije prihvatila.
U raspravi su učestvovali: Mirza Batalović, Sanel Kajan, Slaven Raguž, Admir Čavalić, Marijana Hrvić-Šikuljak, Alma Kratina, Ajla Milišić-Pepić, Kenela Zuko, Mara Đukić, te ispred Ministarstva Dobrica Jonić.

5. Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH,

Prijedlog Zakona dostavila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Resorni ministar dao je dodatno obrazloženje.

Ispred Odbora za prostorno uređenje, stambeno-komunalnu politiku, ekologiju i turizam obrazlagao je Nijaz Helez.

Na Prijedlog ovog Zakona amandmane su podnijeli: Klub zastupnika Naša stranka jedan amandman (Vlada FBiH je djelimično prihvatila, na način da se član 12. Prijedloga Zakona briše, a članovi 13. i 14. Prijedloga Zakona postaju članovi 12. i 13.), jedan amandman Admira Čavalića (Vlada FBiH je djelimično prihvatila, na način da se član 12. Prijedloga Zakona briše, a članovi 13. i 14. Prijedloga Zakona postaju članovi 12. i 13.), Klub zastupnika SBiH četiri amandmana (Vlada FBiH prihvatila je amandman II. - u članu 5. stav (4) se briše, postojeći st. (5), (6) i (7), postaju st. (4), (5) i (6)., a amandmane I.,III. i IV nije prihvatila).

U raspravi su učestvovali: Mahir Mešalić, Mirza Batalović, Admir Čavalić, Adnan Efendić i Eldar Čomor.

6. Prijedlog Zakona o zaštiti zraka,

Prijedlog Zakona dostavila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Nacrt ovog Zakona usvojen je na 4. redovnoj sjednici održanoj 10. i 11.09.2019. godine.

Ministrica Pozder dala je dodatno obrazloženje.

Ispred Odbora za prostorno uređenje, stambeno-komunalnu politiku, ekologiju i turizam obrazlagao je Nijaz Helez.

Na Prijedlog ovog Zakona 10 amandmana predložio je Admir Čavalić. Vlada FBiH prihvatila je sve amandmane: Amandman I, u članu 3. stav (1) alineja 2. riječ „umanivanja“ zamjenjuje se riječju „umanjivanja“. Amandman II, u članu 3. stav (1) briše se pojam „manja promjena – je promjena u radu postrojenja koja ne bi prouzrokovala porast emisija zagađujućih materijala; Amandman III, u članu 3. stav (1) pojam „planovi za kvalitet zraka“, mijenja se pojmom „planovi kvaliteta zraka“. Amandman IV, u članu 3. stav (1) pojam „poduzetnik“ mijenja se pojmom „obrtnik“. Amandman V, u članu 3. stav (1) briše se pojam „tolerantna vrijednost - je granična vrijednost uvećana za granicu tolerancije“. Amandman VI, članu 3. stav (1) briše se pojam „zainteresovana javnost“- je javnost na koj rad postrojenja i obavljanje aktivnosti utiču ili je vjerovatno da će uticati, uključujući nevladine organizacije koje se bave zaštitom okoliša i koje su evidentirane kod nadležnog organa“. Amandman VII, članu 4. stav (6) riječi „investicionih i proizvodnih troškova“ mijenjaju se riječima „ukupnih troškova“. Amandman VIII, u članu 47 stav (2) riječ „poduzetniku“ mijenja se riječju „obrtniku“ u stavu (5) riječ „poduzetnik“ mijenja se riječju „obrtnik“, u stavu (6) riječ „preduzetnika“ mijenja se riječju „obrtnika“. Amandman IX, u članu 78. naziv člana „Novčane kazne za poduzetnika“ mijenja se u „Novčane kazne za obrtnika“. Amandman X, u članu 78. stav (1) riječ „poduzetnik“ mijenja se riječju „obrtnik“ u stavu (2) riječ „poduzetniku mijenja se riječju „obrtniku“.

U raspravi su učestvovali: Almedin Aliefendić, Admir Čavalić, Amir Ibrović i ministrica Pozder.

7. Prijedlog Programa rada Predstavničkog doma Parlamenta Federacije BiH za 2024. godinu,

Prijedlog Programa rada predožio je Kollegij Doma.

Nacrt Programa rada prihvaćen je na 12. redovnoj sjednici održanoj 26.06.2024. godine.

Ispred Odbora za ekonomsku i finansijsku politiku obrazlagao je Admir Čavalić.

Ispred Komisije za pitanja mladih obrazlagao je Eldar Čomor.
U raspravi je učestvovao Salko Zildžić.

8. Strategija razvoja sistema socijalne i dječije zaštite u Federaciji BiH (2024.-2030. godina)

Strategiju je dostavila Vlada FBiH.
Strategiju su razmatrala nadležna radna tijela i dostavila izvještaje.
Predstavnik Vlade FBiH dao je dodatno obrazloženje.
Predstavnik Odbora za rad i socijalnu zaštitu dao je dodatno obrazloženje.
U raspravi su učestvovali: Amra Kaljić – Junuzović, Kadrija Hodžić, Admir Čavalić, Mahir Mešalić i Kenela Zuko.

9. Prijedlog Odluke o postupku izbora i imenovanja sudije/suca Ustavnog suda BiH koje bira i imenuje Predstavnički dom Parlamenta Federacija BiH (predlagači: klubovi zastupnika NS, SDP BiH, Povjerenje (NiP-Pomak), HDZ BiH – HNS i HDZ 1990-HNP) – skraćeni postupak,

Prijedlog Odluke dostavili su klubovi zastupnika NS, SDP BiH, Povjerenje (NiP-Pomak), HDZ BiH – HNS i HDZ 1990-HNP.

Ispred predlagača dodatno obrazloženje dao je Mirsad Čamdžić.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što na osnovu pojedinačnog izjašnjavanja nije usvojeno (49 glasova za, 36 glasova protiv i jedan uzdržani glas), te će se razmatrati u formi nacrt.

U raspravi su učestvovali: Mahir Mešalić, Haris Šabanović, Fahrudin Skopljak, Mirza Čelik, Admir Čavalić, Hajrudin Žilić, Slaven Raguž, Salko Zildžić, Asim Kamber, Amir Purić, Dajana Čolić, Damir Nikšić, Mirsad Čamdžić, Eldar Čomor, Fahrudin Skopljak, Hajrudin Žilić, Mario Karamatić i Amra Junuzović-Kaljić.

10. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju Projekta Vjetroelektrana Vlašić,

Prijedlog Odluke dostavila je Vlada FBiH.
Prijedlog Odluke razmatrala su nadležna rada tijela i dostavila izvještaje.
Ispred Federalnog ministarstva finansija dodatno obrazloženje dao je Edin Šahinović.
Ispred Odbora za ekonomsku i finansijsku politiku obrazlagao je Admir Čavalić.
U raspravi su učestvovali: Bajro Makić, Nijaz Helez, Belmin Zukan, Adnan Efendić i Mario Karamatić.

11. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever - Mostar Jug

Prijedlog Odluke dostavila je Vlada FBiH.
Prijedlog Odluke razmatrala su nadležna rada tijela i dostavila izvještaje.
Ispred Federalnog ministarstva finansija dodatno obrazloženje dao je Edin Šahinović.
U raspravi su učestvovali: Amir Ibrović, Slaven Raguž i Mario Karamatić.

12. a) Kvartalni izvještaj o dugu Q2/2023 b) Kvartalni izvještaj o dugu Q3/2023 c) Kvartalni izvještaj o dugu Q4/2023

Izvještaje je dostavila Vlada FBiH.

Izvještaje su razmatrala su nadležna rada tijela i dostavila izvještaje.

U raspravi su učestvovali: Slaven Raguž, Salko Zildžić i Amra Junuzović-Kaljić.

13. Godišnji plan zaduživanja za 2024. godinu,

Godišnji plan je dostavila Vlada FBiH.

Godišnji plan su razmatrala su nadležna rada tijela i dostavila izvještaje.

U raspravi su učestvovali: Slaven Raguž, Salko Zildžić i Amra Junuzović-Kaljić.

Pauza 30 minuta.

Nakon pauze, prozivkom je utvrđen kvorum te je konstatovano da sjednici prisustvuje 82 zastupnika.

1. Prijedlog Zakona o izmjeni Zakona o pravima demobilisanih branilaca i članova njihovh porodica- skraćeni postupak,

Sa 76 glasova za, bez glasova protiv i bez uzdržanih glasova, usvojen je Prijedlog Zakona o izmjeni Zakona o pravima demobilisanih branilaca i članova njihovh porodica.

2. Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica – skraćeni postupak,

Sa 71 glasom za, bez glasova protiv i jednim uzdržanim glasom, usvojen je Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica.

3. Prijedlog Zakona o izmjenama Zakona o pravima branilaca i članova njihovih porodica – skraćeni postupak,

Sa 75 glasova za, bez glasova protiv i bez uzdržanih glasova, usvojen je Prijedlog Zakona o izmjenama Zakona o pravima branilaca i članova njihovih porodica.

4. Prijedlog Zakona o jedinstvenim načelima i okviru materijalne podrške osobama sa invaliditetom u Federaciji BiH,

Slaven Raguž prihvatio je izjašnjenje Vlade FBiH o amandmanu II, kojeg je podnio.

Sa 55 glasova za, dva glasa protiv i 18 uzdržanih glasova, usvojen je Prijedlog Zakona o jedinstvenim načelima i okviru materijalne podrške osobama sa invaliditetom u Federaciji BiH.

5. Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH,

Ispred Kluba zastupnika Naša stranka, Mirsad Čamdžić prihvatio je izjašnjenje Vlade FBiH o podnesenim amandmanima.

Admir Čavalić prihvatio je izjašnjenje Vlade o podnesenom amandmanu.

Ispred Kluba zastupnika SBiH, Čavalić je kazao da želi da se zastupnici izjasne o amandmanima koje Vlada FBiH nije prihvatila.

Amandman Kluba zastupnika SBiH koji se odnosi na član 5. stav (3), nije usvojen (29 glasova za, dva glasa protiv i 43 uzdržana glasa).

Amandman Kluba zastupnika SBiH koji se odnosi na član 5. stav (7), nije usvojen (32 glasa za, bez glasova protiv i 39 uzdržanih glasova).

Amandman Kluba zastupnika SBiH koji se odnosi na član 11. novi stav (4), nije usvojen (33 glasa za, bez glasova protiv i 38 uzdržanih glasova).

Na osnovu pojedinačnog izjašnjavanja, sa 52 glasa za, dva glasa protiv i 27 uzdržanih glasova, usvojen je Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH.

Odbor za prostorno uređenje, stambeno-komunalnu politiku, turizam i ekologiju predložio je zaključak.

Sa 67 glasova za, jednim glasom protiv i tri udržana glasa, usvojen je sljedeći:

Z A K L J U Č A K

Predstavnički dom Parlamenta Federacije BiH traži od Federalnog ministarstva prostornog uređenja da u roku od 90 dana pripremi i u parlamentarnu proceduru uputi Prijedlog Zakona o Komori inženjera u građevinarstvu Federacije BiH.

6. Prijedlog Zakona o zaštiti zraka,

Vlada FBiH prihvatila je amandmane koje je predložio Admir Čavalić.

Sa 77 glasova za, bez glasova protiv i jednim uzdržanim glasom, usvojen je Prijedlog Zakona o zaštiti zraka.

7. Prijedlog Programa rada Predstavničkog doma Parlamenta Federacije BiH za 2024. godinu,

Sa 50 glasova za, 21 glasom protiv i šest uzdržanih glasova, usvojen je Prijedlog Programa rada Predstavničkog doma Parlamenta Federacije BiH za 2024. godinu.

8. Strategija razvoja sistema socijalne i dječije zaštite u Federaciji BiH (2024.-2030. godina)

Sa 73 glasa za, bez glasova protiv i jednim uzdržanim glasom, usvojena je Strategija razvoja sistema socijalne i dječije zaštite u Federaciji BiH (2024.-2030. godina)

9. Nacrt Odluke o postupku izbora i imenovanja sudije/suca Ustvnog suda BiH koje bira i imenuje Predstavnički dom Parlamenta Federacija BiH (predlagači: klubovi zastupnika NS, SDP BiH, Povjerenje (NiP-Pomak), HDZ BiH – HNS i HDZ 1990-HNP)

Sa sedam glasova za, 30 glasova protiv i 43 uzdržana glasa, Predstavnički dom nije prihvatio Nacrt Odluke o postupku izbora i imenovanja sudije/suca Ustvnog suda BiH koje bira i imenuje Predstavnički dom Parlamenta Federacija BiH.

10. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju Projekta Vjetroelektrana Vlašić,

Sa 66 glasova za, četiri glasa protiv i tri uzdržana glasa, Predstavnički dom donio je Odluku o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju Projekta Vjetroelektrana Vlašić.

11. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever - Mostar Jug

Sa 64 glasa za, tri glasa protiv i dva uzdržana glasa, Predstavnički dom donio je Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever - Mostar Jug.

- 12. a) Kvartalni izvještaj o dugu Q2/2023**
- b) Kvartalni izvještaj o dugu Q3/2023**
- c) Kvartalni izvještaj o dugu Q4/2023**

Predstavnički dom primio je k znanju a) Kvartalni izvještaj o dugu Q2/2023, b) Kvartalni izvještaj o dugu Q3/2023, c) Kvartalni izvještaj o dugu Q4/2023.

13. Godišnji plan zaduživanja za 2024. godinu,

Predstavnički dom primio je k znanju Godišnji plan zaduživanja za 2024. godinu.

Pod tačkom **14. Izbori i imenovanja**, nije bilo materijala za razmatranje.

Predsjedavajući je zaključio rad 13. redovne sjednice u 21.12.

Transkript i prijepis transkripta čine sastavni dio ovog Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Dragan Mioković